

乾隆大藏經



乾隆大藏經



中國書店

御製

佛光恩照三千大千
恒沙法界普度衆生
身心安泰年時豐稔
日月升恒乾坤清寧
上下樂利中外協和
萬善圓成情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

第四五册 小乘律（七）

根本說一切有部尼陀那 五卷

根本說一切有部目得迦 五卷

薩婆多毗尼毗婆沙 八卷

續薩婆多毗尼毗婆沙 一卷

出家授近圓羯磨儀範 一卷

附：苾芻習學略法

毗尼母論 八卷

律二十二明了論 一卷

根本說一切有部毗奈耶尼陀那目得迦攝頌

一卷 尼陀五十二頌目得迦四十八頌

根本說一切有部毗奈耶雜事攝頌 一卷

普賢菩薩行願贊 一卷

根本說一切有部毗奈耶頌 四卷

唐三藏法師義淨奉制譯……………一

唐三藏法師義淨奉制譯……………六五

失譯人名今附三秦錄……………一二七

失譯人名今附三秦錄……………二九一

元帝師苾芻拔合思巴集……………三一

失譯人名今附秦錄……………三四五

正量部佛陀多羅多法師造

陳三藏法師真諦譯……………四九三

唐三藏義淨奉制譯……………五一七

唐三藏義淨奉制譯……………五二九

唐特進試鴻臚卿三藏沙門大廣智不空奉詔譯……………五三八

尊者毗舍佉造 唐三藏義淨奉制譯……………五四三

十誦律毗尼序 三卷

沙彌十戒法并威儀 一卷

羯磨 二卷 出曇無德律部

佛說大愛道比丘尼經 二卷

佛說目連問戒律中五百輕重事經 二卷

根本說一切有部苾芻尼戒經 二卷

比丘尼僧祇律波羅提木叉戒經 一卷

沙彌尼戒經 一卷

舍利弗問經 一卷

彌沙塞羯磨本 二卷

四分戒本 一卷

四分戒本 一卷 出曇無德部

四分比丘尼戒本 二卷 出曇無德部律

五分戒本 一卷 亦名：彌沙塞戒本

五分比丘尼戒本 一卷

波羅提木叉僧祇戒本 一卷

亦名：摩訶僧祇律大比丘戒本

東晉三藏卑摩羅叉續譯……………六三一

失譯人名今附東晉錄……………七〇七

曹魏沙門曇諦集……………七二九

北凉失譯人名……………七七一

失譯人名今附東晉錄……………八〇一

唐三藏法師義淨奉詔譯……………八三七

東晉平陽沙門法顯共覺賢譯……………八六九

失譯人名……………八九五

東晉失譯人名……………九〇一

唐大開業寺沙門愛同錄五分羯磨……………九一

唐西太原寺沙門懷素依律集出

姚秦佛陀耶舍譯……………九五

姚秦佛陀耶舍譯……………九七五

唐西太原寺沙門懷素依律集出……………九九七

宋罽賓三藏佛陀什等譯……………一〇二九

梁建初寺沙門釋明徽集……………一〇四九

東晉天竺三藏佛陀跋陀羅譯……………一〇七九

十誦律比丘戒本 一卷

十誦律比丘尼戒本 一卷

大沙門百一羯磨法 一卷

曇無德律部雜羯磨 二卷

沙彌威儀 一卷

沙彌尼離戒文 一卷

十誦羯磨比丘要用 一卷

姚秦三藏鳩摩羅什譯……………一一〇一

宋長干寺沙門法穎集出……………一一二七

失譯人名今附宋錄……………一一五七

前魏天竺三藏康僧鎧譯……………一一七九

宋天竺三藏求那跋摩譯……………一二一五

失譯人名……………一二二五

劉宋釋僧璩依律撰出……………一二二九

大乘論（一）

金剛般若波羅蜜經論（無著造） 三卷

亦名：金剛能斷般若

金剛般若波羅蜜經論（天親造） 三卷

無著菩薩造 隋南天竺三藏法師達摩笈多譯：一二五五

天親菩薩造 元魏三藏法師菩提留支奉詔譯：一二九九

根本說一切有部尼陀那

唐三藏法師義淨奉制譯

根本說一切有部尼陀那卷第一

唐三藏法師義淨奉制譯

大門總攝頌曰

初明受近圓 次分亡人物 圓壇并戶鉤

菩薩像五門

別門初總攝頌曰

近圓知日數 界別不入地 界邊五衆居

不截皮生肉

第一子攝頌曰

近圓男女狀 非近圓爲師 難等十無師

莫授我七歲

爾時薄伽梵在室羅伐城逝多林給孤獨園
具壽鄔波離來諸佛所禮雙足已在一面坐
合掌恭敬白佛言世尊若苾芻與他受近圓
時彼若根轉得名善受不佛言是受近圓應



清刻龍藏佛說法變相圖

可移向苾芻尼處

復次世尊若苾芻與他男子受近圓時而此男子作女人音聲女人意樂及形狀法式此人得名爲受近圓不佛言鄔波離是受近圓諸苾芻得越法罪

若苾芻尼與他女人受近圓時而此女人作男子音聲男子意樂及形狀法式此人得名受近圓不佛言是受近圓諸苾芻尼得越法罪

若以不受近圓人爲親教師此人得名受近圓不佛言是受近圓諸苾芻得越法罪

若人身有難事自言我有諸苾芻爲受近圓此人得名受近圓不佛言不名受近圓諸苾芻得越法罪

若人身無難事自言我有諸苾芻爲受近圓

此人得名受近圓不佛言是受近圓諸苾芻得越法罪

若人實有難事自言我無諸難苾芻爲受近圓此人得名受近圓不佛言不名受近圓諸苾芻無犯

若人實無難事復自言無諸苾芻爲受近圓此人得名受近圓不佛言此名善受

若苾芻與出家者未受十戒而受近圓此人得名受近圓不佛言是受諸苾芻得越法罪若人受近圓時親教師不現前諸苾芻爲受近圓此人得名受近圓不佛言是受近圓諸苾芻得越法罪

若人受近圓時作如是語莫授我近圓諸苾芻爲受此人得名受近圓不佛言非受近圓諸苾芻得越法罪

如世尊說若人年滿七歲能驅鳥鳥應與出家者大德若有童子年始六歲於僧食厨能驅鳥鳥此人應與出家不佛言許滿七歲此不應與若滿七歲不能驅鳥與出家不佛言不應許不能驅鳥故

第二子攝頌曰

日數每應知 告白夜須減 六日十八日
說戒不應頻

爾時佛在室羅伐城有婆羅門居士等至苾芻所問言阿離耶今是何日答言不知諸人告曰聖者外道之類於諸日數及以星曆悉皆善識仁等亦應知日數星曆云何不解而爲出家遂默不答諸苾芻以緣白佛佛言我今聽諸苾芻知日數星曆時諸苾芻悉皆學數星曆及以算法便生擾亂廢修善業佛言

應令一人學數雖聞佛教不知誰當合數佛言應令衆首上座數之是時上座忘失其數使知事人亦不能憶佛言可作泥珠或作竹籌滿十五枚每日移一如此作時被風吹亂佛言應取十五枚竹片可長四五指一頭穿孔以繩貫之掛壁要處每日移一時彼舉衆皆共移籌佛言上座及知事者應移時有婆羅門居士至苾芻所問言聖者今是何日彼便報曰仁今可問上座及知事人諸人告曰仁等亦有計番當直知日人耶時諸苾芻默然無答以緣白佛佛言應可作白普告衆人時諸苾芻隨處作白佛言不應隨處作白然於衆集在上座前而爲秉白大衆應知今是月一日諸俗聞說復云仁等豈可不說半月黑白分耶答言不作苾芻白佛佛言當稱黑

白月分應如是說若於晡後大衆集時令一
苾芻於上座前合掌而立一心恭敬作如是
白大德僧伽聽今是黑月一日仁等應爲造
寺施主及護寺天神并舊住天神各誦經中
清淨妙頌時諸苾芻雖復日日告白不稱造
寺施主名字佛言當稱造寺施主名字亦應
稱說明日設食施主名字令彼施主所願隨
意福善彌增若更有餘施主皆同此說及餘
天衆八部之類師僧父母皆悉稱名普及一
切衆生皆令福利增長時諸苾芻聞是語已
即皆各說清淨伽陀曰

所爲布施者 必獲其義利 若爲樂故施
後必得安樂 菩薩之福報 無盡若虛空
施獲如是果 增長無休息

時有施主請諸苾芻當設供養苾芻知已不

爲宣告施主名及以往處佛言應預宣告施
主名字云施主某甲明日當爲大衆設食住
在某處復有婆羅門居士至苾芻處問言聖
者今是何日答言是十五日彼復問曰時人
皆云十四日如何仁等言十五耶豈可苾芻
不爲減夜答言不作時諸苾芻以緣白佛佛
言應爲減夜時諸苾芻頻於半月而爲減夜
俗人問言聖者今是何日答是十四彼言聖
者時人皆云十五日如何仁等頻於半月而
爲減夜時諸苾芻以緣白佛佛言汝等不應
頻於半月而減其夜然須計時過月半已應
爲減夜謂從正月十六日至二月十五日爲
一月從二月十六日至三月十五日爲
一月從三月十六日至四月十五日爲
一月從四月十六日至五月十五日爲
一月從五月十六日至六月十五日爲
一月從六月十六日至七月十五日爲
一月從七月十六日至八月十五日爲
一月從八月十六日至九月十五日爲
一月從九月十六日至十月十五日爲
一月從十月十六日至十一月十五日爲
一月從十一月十六日至十二月十五日爲
一月如是半令減一夜爲其小月餘
皆做此爲東西不同故如是一歲總有六
日是十四日有六日是十五日爲長淨事時
有婆羅門居士來問苾芻曰聖者今是何月

答言今是室羅末拏月

當五月十六日巳
去至六月十五日

復問言聖者諸人咸云阿沙荼月

從四月十五
六日至五

月十日仁等乃云室羅末拏月豈可仁等不爲

閏月耶答言不爲人皆共笑時諸苾芻以緣

白佛佛言應爲閏月時諸苾芻於每年中恒

爲閏月俗人來問聖者今是何月答言是阿

沙荼月彼復問言聖者諸人咸云今是室羅

末拏月仁等乃云是阿沙荼月豈可仁等於

每年中爲閏月耶答言如是同前譏笑苾芻

以緣白佛佛言不應於年年中而作閏月應

至六歲方爲閏月

即是五六當三上日
此謂古法與今不同時有

國王至二年半便爲一閏苾芻不隨人共嫌

耻佛言苾芻應隨王法爲其閏月若星道行

叅差者亦應隨其星道而數用之是故汝等

應可識知日月星分與俗同行令諸外道來

求過者不得其便大德頗有苾芻住處令授

學人得說戒不佛言不得

第三子攝頌曰

界別不告淨 亦不爲羯磨 乘空不持欲

解前方結後

爾時佛在室羅伐城具壽鄒波離請世尊曰

住界內人得向界外者告清淨不佛言不得

住界外人得向界內者告清淨不佛言不得

住界內人得爲界外者作羯磨不佛言不得

住界外人得爲界內者作羯磨不佛言不得

若有乘空持欲去時成持欲不佛言不成應

更取欲若不解前界得結後界不佛言不得

應以白四解前然後方結

第四子攝頌曰

不入界捨界 樹界有世尊 不越及可越

羯磨者身死

具壽鄔波離請世尊曰頗得以界入餘界不
佛言不得有幾種界不相涉入佛言謂小墮
場及現埵水處并苾芻苾芻尼界此皆不入
若先結界有幾種捨法佛言有五一謂大衆
悉皆歸俗二謂大衆同時轉根三謂大衆決
心捨去四謂大衆俱時命過五謂秉白四羯
磨解得以一樹爲二界標不佛言各取一邊
得爲三界標或爲四界標量知分齊皆得成
就爾時世尊在迦尸國人間遊行遇到一處
遂便微笑世尊常法若微笑時即於口中出
五種色青黃赤白及以紅光或時下照或復
上昇其光下者至等活地獄黑繩地獄衆合
地獄號叫地獄大號叫地獄燒然地獄大燒
然地獄無間地獄疱形地獄連疱地獄阿吒

吒地獄阿呵阿地獄阿呼呼地獄青蓮花地
獄紅蓮花地獄大紅蓮花地獄如是等處若
受炎熱皆得清涼居處寒冰便獲溫暖彼諸
有情各得安樂皆作是語我與汝等爲從此
死生餘處耶

爾時世尊令彼有情生信心故復現餘相彼
見相已成作是語我等不於此死而生餘處
然我必由希有大人威神力故令我身心現
處安樂既生敬信能滅地獄所有諸苦於人
天處受勝妙身當爲法器得見真理其光上
昇者從四大王衆天至三十三天夜摩天覩
史多天樂變化天他化自在天梵衆天梵輔
天大梵天少光天無量光天極光淨天少淨
天無量淨天徧淨天無雲天福生天廣果天
無煩天無熱天善現天善見天乃至色究竟

天於此光中演說苦空無常無我等法并說
二伽陀曰

汝當求出離 於佛教勤修 降伏生死軍
如象摧草舍 於此法律中 常爲不放逸
能竭煩惱海 當盡苦邊際

時彼光明徧照三千大千世界已還至佛所
若佛世尊說過去事光從背入若說未來事
光從胃入若說地獄事光從足下入若說傍
生事光從足跟入若說餓鬼事光從足指入
若說人事光從膝入若說力輪王事光從左
手掌入若說轉輪王事光從右手掌入若說
天事光從臍入若說聲聞事光從口入若說
獨覺事光從眉間入若說阿耨多羅三藐三
菩提事光從頂入是時光明繞佛三匝從頂
而入時具壽阿難陀合掌恭敬而白佛言世

尊如來應正等覺熙怡微笑非無因緣即說
伽陀而請佛曰

口出種種妙光明 流滿大千非一相
周徧十方諸刹土 如日光照盡虛空
佛是衆生最勝因 能除憍慢及憂感
無緣不啓於金口 微笑當必演希奇
安詳審諦牟尼尊 樂欲聞者能爲說
如師子王發大吼 願爲我等決疑心
如大海內妙山王 若無因緣不搖動
自在慈悲現微笑 爲渴仰者說因緣
爾時世尊告阿難陀曰如是如是阿難陀非
無因緣如來應正等覺輒現微笑阿難陀此
地方所乃是過去迦攝波佛爲聲聞衆說法
之處時阿難陀聞是語已疾疾取七條衣疊
爲四重白佛言世尊我已敷座願佛知時可

於斯座冀令此地有二正覺受用之處謂迦
攝波佛及今世尊佛告阿難陀曰善哉善哉
我雖不說汝自知時爾時世尊即便就座復
告阿難陀曰此地方所是迦攝波佛所住之
寺此是經行處此是廊宇門屋洗足之處此
是淨廚地此是浴室處汝等應知是時鄔波
離白佛言世尊如佛所說淨不淨地者不知
齊何名淨不淨佛言乃至正法住世有淨不
淨正法若滅悉皆不淨世尊齊何名正法住
世云何名滅佛告鄔波離乃至有秉羯磨有
如說行者是則名爲正法住世若不秉羯磨
無如說行是則名爲正法滅壞復白佛言若
無上大師在於界外苾芻得秉羯磨不佛言
不得若大師在於界內餘人得秉羯磨不佛
言得又得以世尊足僧數不佛言不得佛寶

僧寶體差別故於不可越界得越過不佛言
不得大德不知有幾不可越界佛言有其五
種謂苾芻界苾芻尼界小壇場現停水處二
界中間大德若有深塹及以河澗不可越界
頗得越不佛言若常有橋梁越之非咎如其
橋梁破壞得齊幾時名不失界佛言得齊七
夜此據有心修理無心修理隨破即失若有
苾芻正結界時秉羯磨者忽然命過得成結
不佛言若知標相所作羯磨已秉多分此雖
命過得成結界若未知標相所秉羯磨未過
多分此時命終不成結界若苾芻尼結界成
不准此應知

第五子攝頌曰

地牆等秉事 結界無與欲 但於一處坐
得爲四羯磨

緣在室羅伐城具壽鄔波離請世尊曰在地居人共地居者遙秉羯磨得成秉不佛言不成與欲得成大德在地之人與牆頭者共秉羯磨得成秉不佛言不成大德在地之人與樹上者共秉羯磨得成秉不佛言不成大德在地之人與居空者共秉羯磨得成秉不佛言不成應知以樹牆空爲頭各有四句亦如是知世尊說有百一羯磨幾合與欲幾不合與欲佛言唯除結果餘並與欲大德若以神變幻術而作標相得爲標不佛言不得神力幻術非實有故或以日月星宿爲標相者得成標不佛言不得日月星宿非定住故若以水波浪得成標不佛言不得由其波浪疾移轉故若苾芻爲他持欲淨乘空而去此得名爲持欲淨不佛言不成應更取欲若有苾芻

秉一羯磨於四住處並得成不佛言得如其四界各有四人事現前者各於其處別置三人時秉法者或席或牀或版或薦壓四界上而秉羯磨以秉法者添彼四數咸成作法如是若於四界有別事起作七羯磨等謂驅擯羯磨令怖羯磨折伏羯磨求謝羯磨不見罪羯磨不如法悔羯磨不捨惡見羯磨若作此等羯磨之時其秉法人在彼四界角相近處若以席版牀薦總壓而坐秉法皆成

第六子攝頌曰

大界兩驛半 下水上山巔 異見明相過

五衆受七日

具壽鄔波離請世尊曰如世尊說應結大界者齊幾許來是大界量佛言大界者齊兩踰膳那半應可結之

言踰膳那者當三十里是此一驛言由旬者說也

今易了故有
言驛之處

若過兩踰膳那半亦是界不佛

言若過非界向下齊何名爲大界佛言齊至水來名爲大界兩踰膳那半外方至水者此之剩處得名界不佛言不是向上齊何名爲大界佛言上至樹杪或齊牆頭名爲界分大德兩踰膳那半外方至杪頭斯之剩處得名界不佛言不是若上山巔齊何名界佛言齊其水處兩驛半外方至其水亦名界不佛言不是世尊若於夏中僧伽破壞時有必芻故從法黨向非法黨爲是破夏爲非破耶佛言此之必芻樂其異見至惡黨處經明相時便即破夏若不樂異見至惡黨處雖過明相不名破夏如世尊說若在夏中有緣須出應受七日去者不知何人應受佛言所謂五衆必芻苾芻尼正學女求寂求寂女此於何處應

受佛言可於界內隨意可向一必芻前合掌而住作如是語具壽存念我必芻某甲於此住處或前或後三月夏安居我必芻某甲爲僧伽事故守持七日出界外若無難緣還來此處我於今夏在此安居如是三說或有六日事來乃至一日准七日應受具如餘處

第七子攝頌曰

五衆坐安居 親等請日去 於經有疑問
求解者應行

具壽鄔波離請世尊曰如世尊說應夏安居者未知誰合安居佛言五衆合作所謂必芻苾芻尼正學女求寂求寂女在於屏處對一必芻當前蹲踞作如是說具壽存念今僧伽五月十六日作夏安居我必芻某甲亦於五月十六日作夏安居我必芻某甲於此住處